

«ՀԱՅ ԺՈՂՈՎՐԴԻ ՊԱՏՄՈՒԹՅՈՒՆ», Կ. VI, ՀՄՍՀ ԴԱ Հրատարակչություն,
Երևան, 1981, 1050 էջ:

Լույս տեսավ հայ ժողովրդի պատմության ակադեմիական հրատարակչության VI հատորը՝ «Հայաստանը 1870—1917 թվականներին», ուր պատմական գիտության զարգացման ժամանակակից մակարդակին համապատասխան քննարկված ու լուսաբանված են հայ ժողովրդի պատմության թերեւս ամենահակատարական շրջանի հանգուցային պրոբլեմները: Մասնագետները, զաղախարախոսական բնագավառի աշխատողները, ընթերցող լայն հասարակայնությունը հնարավորություն ստացան հաղորդակցվելու տարիներ շարունակ սպասված գիտական ընդհանրացնող մեծարժեք ուսումնասիրության հետ, ուսումնասիրություն, որը ստեղծվել է ՀՄՍՀ գիտությունների ակադեմիայի պատմության ինստիտուտի, հանրապետության առաջատար րազմաթիվ պատմաբանների, ինչպես նաև տնտեսագետների, փիլիսոփաների, գրականագետների, լեզվաբանների, արվեստագետների և այլ մասնագետների տեղական ու քրտաչափ աշխատանքով: Գիրքը ծնվել է ժամանակին, որպես գիտական մտքի վերջին տասնամյակների հանրագումար: Այն մասնավորապես հանդիսանում է 1950—1970-ական թվականների գիտական հետադուրությունների, նաև հարուստ աղբյուրագիտական բազայի հիման վրա ստեղծված ամբողջական ուսումնասիրություն, որն աչքի է ընկնում իր կուռ միասնությունամբ: Եվ դա այն ժամանակ, երբ գրքում քննարկված են բազմաթիվ ու բազմազան պրոբլեմներ:

Գրքում արծարծված բազմազան պրոբլեմների գիտական ընդհանրացման առանցքը մարքսիստական-լենինյան մեթոդաբանությունն է, որը ստեղծում է միասնական գիտական հենք, պատմական-մատերիալիստական կուռ տրամաբանություն, միմյանց է շաղկապում վերին աստիճանի բարդ, առերես հակասական թվացող, նախկինում խճողված հարցերը, օգնում է ստեղծելու Հայաստանի, հայ ժողովրդի պատմության կարեորագույն, բեկումնային փուլի, նրա կենսագրության ամբողջական, գիտական պատկերը:

1870—1917 թթ. ժամանակաշրջանի գիտական պատմության ստեղծումը գրքի հեղինակային կոլեկտիվից, խմբագիրներից պահանջում էր ամենից առաջ լայնամիակ ճանաչում, որը հիմնականում հաջողությամբ իրականացված է: Դա մասնավորապես վերաբերում է մինչպրոլետարական և պրոլետարական հեղափոխությունների դարաշրջաններում ազգային հարցի, ազգային-ազատագրական շարժումների բնույթի, նրանց պատմական տեղի, քաղաքական կուսակցությունների դերի գնահատման հարցերին: Ընթերցողը գրքում գտնում է իրեն հուզած և հուզող բազմաթիվ կնճոռո հարցերի ուղղակի, գիտական պատասխանը:

Գրքում զգալի տեղ են զբաղում և անհրաժեշտ գիտական մակարդակով են քննարկված Հայաստանի սոցիալ-տնտեսական, քաղաքական կյանքի հարցերը: Այն ընդգրկում է ինչպես Արևելյան, այնպես էլ Արևմտյան Հայաստանը: Ընթերցողն առաջին անգամ հնարավորություն է ստանում իր ամբողջության մեջ տեսնելու Հայաստանը, նրա տնտեսական զարգացման գիտամիկան, աշխատավորների սոցիալական ու երկրի քաղաքական կյանքի պատկերը: Նախկինում կատարված մեծարժեք ուսումնասիրությունների նյութի բարեխիղճ օգտագործման ավելացել է նաև իրենց՝ հեղինակների լուրջ և մնացուց հետազոտության արդյունքները: Հեղինակները հանգում են այն ճշմարիտ հետևությանը, որ Հայաստանի երկու հատվածների հայ ազգաբնակչության կացությունը և զարգացման մակարդակը զգալիորեն տարբեր էին: Արևելյան Հայաստանում, Ռուսաստանի բարեբար ազդեցության պայմաններում հայերը աճում ու առաջադիմում էին, մինչդեռ Արևմտյան Հայաստանում, սուլթանական կառավարության ազգահալած քաղաքականության հետևանքով, նրանք նվազում ու քնաշնչվում էին» (էջ 24): Դա մասնավորապես լավ է երևում դեմոգրաֆիական տեղաշարժերից, որոնք լայնորեն քննարկված են գրքում (էջ 19—24):

Հատորում հանգամանորեն քննարկված են կապիտալիստական հարաբերությունների զարգացման հարցերը, որոնք մասնավորապես վերաբերում են գյուղի քայքայմանը, ֆեոդալիզմ-

ների, գործարանների, երկաթուղիների ու ճանապարհների շինարարութիւնը, Աւազներու ու Զանգեզուրի պղնձարդունաբերութիւնը, բամբակագործչ ձեռնարկութիւններին, կաշվի, գինու, օղու, կոնյակի արտադրութիւնը, կաթնամշակմանը և այլն: Անո՞ւմ էր քաղաքային բնակչութիւնը, բյուրեղանոմ էին դասակարգային հարաբերութիւնները, խորանում էր ժողովրդական մասսաների աղքատացման պրոցեսը: Այն ճիշտ միտքն է ընդգծւած, որ տնտեսական հետամնացութիւն, մեծ քաղաքների և երկաթուղային ճանապարհների բացակայութեան հետեւանքով հայ բուրժուազիան կազմավորվեց նախ Անդրկովկասի արդյունաբերական գլխավոր օջախներում՝ Բաքուում, Բաթումում, Թիֆլիսում. և ապա՝ Հայաստանում:

Զգալի տեղ է հատկացւած արևմտահայ բուրժուազիայի ու պրոլետարիատի ձևավորման հարցերին, մի պրոցես, որը տեղի էր ունենում սուլթանական բռնակալութեան հայահալած և եվրոպական տերութիւնների՝ Բուրժիայում վարած զաղութային քաղաքականութեան պայմաններում:

Կապիտալիզմի վարզացմանը զուգընթաց ձևավորվեց հայ արդյունաբերական պրոլետարիատը, որը կազմում էր համառուսաստանյան պրոլետարիատի ազգային շրջաններից մեկը, և բախտորոշ գեր էր խաղալու Հայաստանի հասարակական-քաղաքական կյանքի հետագա զարգացման գործում: Ազատագրական շարժման պրոլետարական փուլում նրա դասակարգային դիրքերից էին գնահատվելու ազգային, դեմոկրատական, ազրարային և այլ շարժումները, քաղաքական կուսակցութիւնների ու գործիչների գործունեութիւնը, հայ ժողովրդի նոր պատմութեան մեջ նրանց խաղացած դերը:

Հայ ժողովրդի ազգային-ազատագրական շարժման ճագրքներ և՛ բովանդակութեան և՛ ծավալին իմաստով գերիշխող տեղ ունեն գրքում: Մեծ է այդ հարցերի շրջանակը՝ սկսած 1877—1878 թթ. ռուս-թուրքական պատերազմից մինչև առաջին համաշխարհային պատերազմը ներառյալ: Գիտական պատշաճ մակարդակով քննարկված և գնահատված են հայկական հարցի զարգացման փուլերը, օսմանյան բռնապետութեան և երիտթուրքերի հայաշինչ քաղաքականութիւնը, գնահատված են մեծ տերութիւնների շահադիտական խաղերը և միջազգային դիվանագիտութեան փարիսեցիական կամ բացահայտորեն նենգ դավերը հայ ժողովրդի նվիրական ձգտումներին՝ նրա միասնական հայրենիքի վերահաստատման, ժողովրդի նկատմամբ թուրքական բռնապետութեան վայրենի հալածանքի կանխման, դեմոկրատական բարեփոխումների ձախողման և այլ հարցերում: Հիմնավորված է այն ճշմարիտ տեսակետը, որ Արևմտյան Հայաստանում ազգային-ազատագրական շարժումը ոչ թէ ներմուծվել էր Արևելյան Հայաստանից, այլ հայ ժողովրդի այդ հատվածի նկատմամբ թուրքական բռնապետութեան վարած հայաշինչ քաղաքականութեան օրինալուծ հետևանքն էր: Դա ազատատենչ ժողովրդի հերոսական պայքարն էր հանուն իր գոյատևման ու ազատութեան:

Հատորում ցույց է տրված, որ հայ ժողովրդի ազգային-ազատագրական պայքարն ուներ նաև օտարալական բովանդակութիւն, որ այն խորապես դեմոկրատական էր, շոշափում էր գյուղացիութեան, արհեստավորութեան շահերը: Իր բնույթով լինելով բուրժուադեմոկրատական շարժում, հասանալի է, որ այն իր մեջ էր առնում ազգային բուրժուազիային, որը ձգտում էր շարժման ղեկը վերցնել իր ձեռքը և ղեկավարել այն, դառնալ սեփական շուկայի, երկրի հարստութիւնների տերը: Հայ դեմոկրատական մտավորականութիւնն ակտիվորեն մասնակցում էր ազատագրական պայքարին, մերկացնում ազգային կերպարանքից գրեթե զրկված հայ խոշոր բուրժուազիային ու բարձրաստիճան շինովնիկներին, որոնք շնչին բացառությամբ սուլթանական ու ցարական կարգերի մեջ էին տեսնում իրենց գոյութեան հենարանը:

Հանգամանորեն քննարկված և ըստ արժանիւնի գնահատված է 1870—1880-ական թվականների ազատագրական-հայրենասիրական խմբակների ու կազմակերպութիւնների գործունեութիւնը, լայն տեղ է հատկացված Հայաստանում և հայ իրականութեան մեջ նարդինիական շարժման հարցերին: Անդրադառնալով հայդուկային-ֆիդայական շարժմանը, նշվում է, որ այն ազատագրական պայքարի զբոսոտ ու արդարացի մի ձև էր, իր դասակարգային բնույթով՝ հակաֆեոդալական, գյուղացիական-դեմոկրատական շարժում: Սկզբնապես դրսևորվելով որպես տեղական հարստահարիչների դեմ ժողովրդի ինքնապաշտպանութեան համար զենքի դիմած փոքրաթիվ խմբերի պարտիզանական պայքար, այն ուղղվեց այդ կեղծելիներին հովանավորող պետական պաշտոնեւորութեան ու կառավարութեան դեմ, ապա դարձավ օսմանյան բռնապետութիւնը թոթափել ձգտող հայ ազատամարտի տարերային ու հախուռն կրողը (էջ 150): Հարկ է նշել, որ հայ պատմագիտութեան մեջ հայդուկային շարժման գնահատականը առաջին

անգամ է տրվում իր քիչ թե շատ ամբողջության մեջ: Շտապվում է շարժման բնույթը, այն դիտվում է որպես եզրույթային դասակարգային պայքարի յուրահատուկ ձև (էջ 287), բացահայտվում է այդ շարժման և բուրժուազական կուսակցությունների փոխհարաբերակցության հարցը: Վերին աստիճանի ուղադրավ է շարժման ժողովրդական առաջնորդների կարծիքը դաշնակցականների խաղաղած բացասական դերի մասին: Արմենակ Ղազարյանը (Հրայր) գատապարտում էր ազգային ուժերը ջլատելու բուրժուական կուսակցությունների վարքագիծը և պայքարի արկածախնդրական տակտիկան: Անդրանիկը գրում էր. «Այս երդումը եղավ՝ առանց մեզ ըսելու, թե ինչ կուսակցության կպատկանինք. մենք չգիտենք ալ, թե կան զանազան կուսակցություններ» (էջ 289): Մեկ ուրիշը նշում էր, «թե՛ մշեցի, և թե՛ սասունցի» երբեք չհետաքրքրվեցան այդ կուսակցության ծրագիրներով... Մենք՝ մշեցի և սասունցիներ, միմյանից մեր ազգի փրկության սիրույն ամեն զոհողություն հանձն կուսենինք...» (էջ 289) և այլև: Տրված է շարժման ականավոր գործիչների, ժողովրդական հերոսների՝ Աղբյուր Սերոբի, Արմենակ Ղազարյանի (Հրայր), Անդրանիկի, Գևորգ Զառչի և այլոց գնահատականը: Նշվում է թուրքական սուլթանիզմի դեմ բալկանյան, մասնավորապես բուլղարական, մակեդոնական և հայ ժողովրդի ազատագրական շարժումների ընդհանրությունը, դրվում է դրանց գնահատման միասնականության հարցը: Կարծում ենք, որ առաջադրված հարցադրումները, այդ հարցի վերաբերյալ եղած ուսումնասիրությունները կարող են հիմք հանդիսանալ հայդուկային շարժման համապարփակ հետազոտման ու ըստ արժանիւնի գնահատման համար:

Անկասկած գրքի առավել կարևոր բաժիններից է հասարակական-քաղաքական հոսանքներին ու տարբեր կուսակցությունների ձևավորմանը նվիրված գլուխը: Նրանում տրվում է պահպանողական, լիբերալ-բուրժուական և դեմոկրատական հոսանքների, քաղաքական կուսակցությունների դասակարգային բովանդակության գնահատականը: Այս հարցերը գրքում ձեռք են բերում առանցքային նշանակություն, ի մի բերելով և միմյանց կապելով ազգային-ազատագրական շարժման բազմազան հարցերը: 1885 թ. Մարտելում լույս տեսնող «Արմենիա» թերթի շուրջը համախմբված մի խումբ գործիչներ հիմք են դնում արմենական կազմակերպությանը: Արմենականները թեև ակտիվ մասնակցություն ունեցան հայ ազգային-ազատագրական շարժումներին, բայց այդպես էլ չդարձան կազմակերպված, կուս. կուսակցություն: Ավելի հանգամանորեն են քննարկված «Շնյակ», «Դաշնակցություն», «Սոցիալ-դեմոկրատական բանվորական հայ կազմակերպություն» («Սպեցիֆիկան») կուսակցությունների ձևավորման, նրանց դասակարգային բովանդակության հարցերը: Եիշտ է այն սկզբունքային հետևությունը, որ «Շնյակ»-ների նրանց համար շատ էին խոսում Կ. Մարքսի, մարքսիզմի մասին, բայց «մարքսիզմի ոգին նրանց համար մեռել էր խորթ ու անհասկանալի» (էջ 192), որ արևմտահայերի ազատագրության նրանց ծրագրին «անարխիստական սկզբունքների վրա էր կառուցված» (էջ 193) և այլև: Ինչ վերաբերում էր «Դաշնակցություն» կուսակցությանը, ապա դարձվեցին, թեպետև նրան հաջորդեց ազգայնական ամբողջատարությունը իր կողմը գրավել զգալի թվով աշխատավորների, սակայն դրանով բնավ էլ չի փոխվում նրա բուրժուական էությունը: Հեղինակները համառոտակի անդադարձել են 1908 թ. ստեղծված «Ռամկավարական» կուսակցության ստեղծման հարցին (էջ 487):

Զխամրող հետաքրքրությամբ են կարդացվում 1890-ական թվականների ազգային-ազատագրական պայքարի հարցերին նվիրված բաժինները, մասնավորապես Սասունի 1894 թ. հեղափոխության, Զեթունի 1895 թ. ապստամբության, Վանի 1896 թ. ինքնապաշտպանական մարտերի, այս շրջանում բարեկրթությունների մայիսյան ծրագրի, հայկական շարժերի, հայ ժողովրդի ճակատագրի նկատմամբ մեծ տերությունների քաղաքականության մերկացման և այլնի վերաբերյալ:

Կարևոր բաժին է կազմում 1900—1914 թթ. Արևմտյան Հայաստանի սոցիալ-տնտեսական ու քաղաքական դրությանը, ազատագրական շարժումներին վերաբերող գլուխները:

Թեպետև ընթերցողն արդեն քաջ ծանոթ է առաջին համաշխարհային պատերազմի տարիներին հայ ժողովրդի դառը ճակատագրին, այսուհանդերձ դարձյալ ու դարձյալ մեծ հետաքրքրությամբ են ընթերցվում կամավորական շարժմանը, արևմտահայության զանգվածային շարժերին ու տեղահանությանը, այդ ամենի նկատմամբ առաջադիմական ուժերի վերաբերմունքին նվիրված հատվածները:

Ազգային-ազատագրական շարժմանը զուգընթաց, նրա հետ անբաժանելիորեն կապված, հայ ժողովրդի պատմության 1870—1917 թթ. ժամանակաշրջանի բովանդակության կարևորագույն էջերը:

գույն բաղկացուցիչ մասն են կազմում նրա ազատագրական պայքարի սոցիալական, դասա-կարգային, պրոլետարական շարժման հարցերը:

Ռուսաստանում ազատագրական շարժման նոր, պրոլետարական փուլում հայ ժողովրդի հեռատես զավակները՝ Ստ. Շահումյանը, Բ. Կնունյանցը, Ս. Սպանդարյանը և մյուսները ժողովրդի առաջադիմական ուժերին, պրոլետարիատին ու գյուղացիությանը կողմնորոշեցին դեպի լենինիզմ, դեպի ցարիզմն ու ապա բուրժուազիային տապալելու իրական ուղին:

Հայ իրականության մեջ մարքսիզմի տարածման առաջին քայլերը վերաբերում են անցյալ դարի 70—80-ական թվականներին: Գրքում հայ բանվորական, սոցիալ-դեմոկրատական, լենինյան-խեղապական, բոլշևիկյան կազմակերպությունների առաջացման ու զործունեության, բանվորների ու գյուղացիների հեղափոխական պայքարի հարցերը քննարկված են անհրա-ժեշտ գիտական մակարդակով, բարեխղճորեն օգտագործված են վերջին տասնամյակներում պատմաբանների ձեռք բերած գլխավոր նվաճումները: Գիտական լրջախոհ քննարկման են ենթարկված 1905—1907 թթ., ռեակցիայի տարիների, հեղափոխական նոր վերելքի, առաջին համաշխարհային պատերազմի տարիների, Հոկտեմբերյան հեղափոխության նախապատրաստման ժամանակաշրջանի հարցերը:

Գրքի անուրանալի արժանիքներից է հայ գաղափարաբանի նվիրված բաժինը: Սովետահայ պատմաբանները հայ գաղթաշխուհիների պատմությանը առավել լրջորեն սկսեցին զբաղվել վերջին 2—3 տասնամյակներում: Այդ շնորհակալ աշխատանքի արդյունքներն ակնհայտ են: Գրքում առաջին անգամ ի մի է բերվում և ընթերցողին հանձնվում հայ գաղթաշխուհիների պատմության ամբողջական պատկերը՝ քննարկվող ժամանակահատվածում:

Գրքի VI բաժինը նվիրված է մշակույթին և գիտությանը: Հանգամանորեն լուսաբանված են դպրոցի, գրականության, թատրոնի, երաժշտության, ճարտարապետության, կերպարվեստի, մամուլի, պատմագիտության, հայագիտության, հնագիտության, աղագրության, տնտեսագիտության, փիլիսոփայության, բնական գիտությունների վիճակի ու զարգացման հարցերը: Միանգամայն ճիշտ է նշված, որ քննարկված ժամանակաշրջանում աշակույթի ամենատարբեր ճյուղերում եղել է մի ընդհանուր գիծ, մի միասնական ընդհանրություն. դա հայ ժողովրդի պատմական ճակատագրից թեև զրկված ազատագրվելու հարատև ոգին էր, որ ստեղծագործե-լու և խիզախելու մշտական լիցք էր տալիս նրա մշակույթի գործիչներին (էջ 750):

Գրքին կցված են քարտեզներ, ամենայն բարեխղճությանը կազմված են ժամանակագրու-թյան, մատենագիտության, անձնանունների, տեղանունների ցանկեր, որոնք բարձրացնում են նրա գիտական արժեքը, հեշտացնում նման ծավալուն աշխատությանը ծանոթանալու և այն ուսումնասիրելու գործը:

Ծանկանում ենք համառոտակի կանգ առնել նկատված մի քանի քերականությունների վրա, թերությունների, որոնցից դժվար էր խուսափել նման ծավալուն, բազմապարունմատիկ աշխատության մեջ:

Պատմությանը վերաբերող գրքում նրա ծավալի մեկ երրորդը մշակույթին ու գիտությանը հատկացնելը, կարծում ենք, որ թեպետև հաճելի է, բայց և չափազանց է, մասնավաճաճ, որ դրականության, արվեստի, գիտության առանձին ճյուղերի վերաբերյալ հրապարակի վրա կան մասնագիտական մեծարժեք ուսումնասիրություններ:

Գրքում մի շարք պատմական կարևորագույն պրոբլեմներ կամ ուղղակի դուրս են մեկացել, կամ հարկադրաբար չափազանց ընդգրկվել: Այդպես է բանը Հոկտեմբերյան հեղափոխության նախապատրաստման ժամանակաշրջանի իրադարձություններով ու նշանակությամբ հարուստ պատմության հարցում: Այդ բաժնում շրջանցվել են նորովի մեկնաբանված մի շարք պրոբլեմներ ու գիտա-կան շրջանառության մեջ դրված բազմաթիվ նոր փաստեր: Չափազանց թույլ է կամ բացակա-յում է հունիսյան հարձակման, հուլիսյան իրադարձությունների, կոռնիլովյան միապետական դավադրության հետ առնչվող հարցերի լուսաբանումը: Ինչպես արդեն նշվել է, գրքի լուրջ արժանիքներից է այն, որ Արևմտյան Հայաստանը դուրս բերված է մի քանի բազմազան հասարակա-կան երևույթների, շարժումների լուսաբանման ոլորտից: Բայց ուղղակի անհասկանալի է, թե ինչու են գրեթե մոռացված տրվել Կարսի մարզում, Արևմտյան Հայաստանում, նաև Երևանի նահանգում շուրջ մեկ միլիոնանոց կովկասյան բանակի հետ առնչվող և հատկապես նրանում ծավալված հեղափոխական շարժման հարցերը: Դրանով կամա թե անկամա աղքատացել է Հայաստանի պատմությունը, չեն արժարժվել, կամ չափազանց թույլ են լուսաբանվել դիմա-դրական հեղափոխական-դեմոկրատական շարժումները 1915—1916 թթ.: Միանգամայն անբա-

վարար է լուսաբանված 1917 թ. մարտին կարսում ծավալված ապստամբությունը, որը Ռոձ-յոնկոյի գնահատմամբ «ահեղ իրադարձություն» էր:

Լավ է, երբ գրքում տեղ է հատկացվել հայ բուրժուական ազգի ձևավորման հարցին: Դա, ինչպես նաև մի շարք այլ հարցադրումներ, յուրահատուկ դիտական, տեսական շուրջ են տալիս գրքին: Բայց մեզ այնքան էլ հավաստի ու համոզիչ չի թվում այդ կարևոր հարցի գիտական, մարքսիստական լուծումը: Խոսքը չի վերաբերում նրան, որ ամեն ինչ պետք է գնել որոշակի սխեմաների մեջ ու բոլոր ազգերի ձևավորմանը միանշանակ պատասխան տալ: Այդ հարցի նեղ մասնագետը չլինելով մենք, սակայն, կարծում ենք, որ «էթնիկական ընդհանրությունը» միայն բավականաչափ հիմք չի տալիս եզրակացություն հանգելու «հայ ազգ» հասկացության ծավալի վերաբերյալ: Պակաս կարևոր չեն նաև միասնական էկոնոմիկայի բացակայության կամ թույլ զարգացած տնտեսական կապերի, տարբեր պետականությունների առկայության գործոնները և այլն: Կարծում ենք սխալ է պնդել, թե «հայ ժողովուրդը մինչև ազդ դառնալը թեկուզ և արդեն մի կայուն (ընդգծումը մերն է—Լ. Մ.) սոցիալ-էթնիկական, ընդհանուր ծագում ունեցող հանրություն էր...» (էջ 90): 91-րդ էջում Ստ. Շահումյանի հայտնի մտքի վկայակոչումը վերաբերում է XX դ. սկզբին, երբ իրոք էկոնոմիկայի զարգացումը թեպետ էլի թույլ էր, բայց որոշակի մակարդակ ունեւ, քան թե անցյալ դարի 60—70-ական թվականներին, երբ կապիտալիզմը, տնտեսական միասնական կապերը մեղանում չափազանց թույլ էին: Կարծում ենք, որ մասնագետներն ունեն իրենց ասելիքը հայ ազգի ձևավորման հարցի շուրջը:

Ինչպես գրախոսվող գրքում, այնպես էլ սովետահայ պատմագիտության մեջ առհասարակ, դեռևս ամբողջական, կուտ գիտական տեսք չի ստացել առաջին համաշխարհային պատերազմի տարիներին կամավորական շարժման գնահատականի հարցը: Նախկինում ոմանց կողմից միակողմանի մոտեցում, կոպիտ սխալ էր թույլ տրվում, երբ անտեսվում (կամ գրեթե անտեսվում) էր այդ շարժման ազատագրական բնույթը: Այն, իրոք, թուրքական բռնապետության դեմ հայ ժողովրդի դարավոր դալրույթի պոռթկումն էր նպաստավոր իրադրության մեջ, երբ Կովկասյան ռազմաճակատում ցարական Ռուսաստանը բախվում էր Թուրքիայի հետ: Նման գնահատականի հետ մեկտեղ, կարծում ենք, որ այս հարցում պատմական մոտեցումն ինչ որ չափով խախտված է:

Այնուհետև. շնայած ընդհանուր առաջընթացին, դեռևս բավականաչափ ցարգործայրյուն չկա բուրժուական բռնապետության դեմ հայ ժողովրդի ազգային-ազատագրական շարժման բնույթի հարցում: Նշվում է, որ «այդ պայքարի գլխավոր ու առաջատար ուժն արևմտահայ գյուղացիությունն էր ու քաղաքի արհեստավոր դասը» (էջ 129): Գրքի ավելի հիշտ է նշել, որ այդ շարժման ղեկավարությունը գտնվում էր ազգային-դեմոկրատական բուրժուազիայի ձեռքում:

Ճանկայի կլինե՞ր, եթե գրքում մյուս կուսակցությունների նման անհրաժեշտ չափով տեղ հատկացվեր նաև ռևոլյուցիոնական կուսակցության գործունեության գնահատմանը: Գրքի 205 էջում շարադրանքից այնպիսի տպավորություն է ստացվում, որ XIX դ. 80-ական թվականներին գյուղացիությունը Հայաստանում կանգնած էր ազատակարգային պայքարի ճիշտ ուղու վրա, իսկ ցարական պաշտոնյաները նրանց շեղում էին այդ ուղուց:

Սխալներ կան Ջալալօղլու 1899 թ. մարքսիստական խմբակի կազմին, ինչպես նաև Հաղպատի 1903 թ. ապստամբության ղեկավարներին վերաբերող հարցերում:

Սխալ է 1903 թ. Ալավերդու բանվորների տարերային, տնտեսական գործադուլները վկայակոչել որպես քաղաքական պայքարի օրինակներ: Հատորի 383 էջում խոսվում է «Համառուսական զինվորական միության» Ալեքսանդրապոլի կայազորի սովետի մասին: Այդ ի՞նչ սովետ է: 2 էջ որ 1905 թ. Հայաստանում սովետներ, այն էլ զինվորական, շտեղծվեցին: Իշխանության մարմինների հարցում մեզանում բարձրակետը գործադուլային կոմիտեներն էին, որոնք իրականացնում էին սովետների ֆունկցիաները:

Եիշտ չէ 1912 թ. ՌԱԴԻ Պարզայի (ՎԻ) կոնֆերանսում ընտրված Կենտկոմի կազմի պատմական աղբյուրը վկայակոչել «ՀԿԿ պատմության ուրվագծերը» (էջ 461):

Վաղուց ամրացված սխալը այս գրքում ևս շարունակում է տեղ գտնել: Նշվում է, որ 1917 թ. աշնանը «Կովկասում առաջինը Բաքվում կատարվեց սովետների բոլշևիկացում, ապա՝ Գրոզնիում, Ալեքսանդրապոլում և աստիճանաբար այլ վայրերում» (էջ 623): Բոլշևիկացում

ասելով տվյալ դեպքում հասկացվում է, որ սովետներում մեծամասնություն կազմեցին բուշեիկները: Նշված քաղաքների վերաբերյալ դա իրական չէ: Մասսաների ձախացման, բուշեիկների նկատմամբ նրանց համակրանքի աճի պայմաններում բուշեիկները Կովկասում ևս պայքարում էին սովետների կազմի վերընտրության համար: Մի շարք վայրերում այդ նրանց հաջողվեց: Նոր ընտրություններից հետո բուշեիկները սովետներում լրջորեն բախլավեցին իրենց դրությունը, անհամեմատ շատ տեղեր նվաճեցին: Բայց անգամ այդ սովետներում շարունակում էին մեծամասնություն կազմել աչ բուկի ներկայացուցիչները, մի բան, որը բնավ չէր արտացոլում մասսաների իսկական տրամադրությունները:

Կարծում ենք, խմբագրական կոլեգիան պարտավոր էր առանձին նշել, թե ակադեմիկոս Աշ. Հովհաննիսյանը հասարակական-քաղաքական հոսանքներին և կուսակցություններին վերաբերող գլխի որ հատվածների հեղինակն է, որովհետև հայտնի է, որ հանգուցյալ ակադեմիկոսը այդ խնդրում ունեւր իր ուրույն տեսակետը: Այդ գլուխը շարադրելիս անհրաժեշտ էր նշել նաև վերջին տարիների գրականությունը:

Հատորի 471, 548 էջերում շփոթ է առաջացել որոշ գործիչների վերաբերյալ: Բաղմիցս օգտագործվում է նաև ֆեդայի և ֆիդայի: Կարծում ենք, որ ճիշտ է վերջինը: Այն արդեն ձեռք է բերել քաղաքացիական իրավունք: Ինչու Ռիխարդ և ոչ Ռիխարդ (էջ 418), ոչ թե «բնդ-հատակյա տարիներին» (էջ 340), այլ «բնդհատակի տարիներին»: Որոշ թերություններ կան մեջքերումներում, նշված աղբյուրներում: Լիովին հաղթահարված չեն կրկնությունները: Լավ կլիներ մտածել քարտեզների կալուստեղադրման մասին:

Չնայած նշված թերություններին, գիրքը, ամբողջովին վերցրած, ընդհանրացնող լուրջ ներդրում էր հայ ժողովրդի պատմության գիտական լուսաբանման գործում:

ՀՆՆԻԿ ՄՆԻՔՅԱՆ

Պատմական գիտությունների դոկտոր